

# Balua na bhisi

## gba Polo pi omabhuka na gudhu na

### Tesalonike

Eli na kalanu

Li nadje lio de-e pindji nago gba \*Kilisito adu lie agbe tolo bhu Dadjua gba Ebhe na Tesalonike-e, Polo atsia aye balua na bhisi gba e inde-e pindji \*nabhuka inde me ekpi nago gba ngama-a akolo. Ani atsia apa me a mo-o ade, do ani de-e, kala nago ka Kilisito-o, engu nasisiti di ne bhe nato mbolo li okpala-a, inde ayie ka kpala na tsulutsulu u a'i me «Bhulu yala» adu naali ane mane (2:3). Kpala ango-o adu nagu Kilisito.

Polo ngapa pi okpala i ngatanga balua inde-e me, u lu bha kpekepeke bhu nabhuka, abana okpekepe da 'ngu ne olikabhu du bha pi-ie, u du bha namene kulu ngabula nasia mukobho maka li Polo ne obi e ngamene lie-o, amba u du ne 'ndja bua ne namene badha 'ngu.

Ongbenge ongu inde bhu bhuku inde-e ngae inde:

Eli na kalanu 1:1-2

Natoko ne nadhego 1:3-12

Lili pindji nago gba Kilisito 2:1-17

Engu inde a ayo ngabula mukobho gba makilisito 3:1-15

Eli na soso 3:16-18

Polo ne obi e yi omabhuka na gudhu na Tesalonike mayi

**1** Ngayi \*omabhuka na Dadjua gba 'Dyi ni Ebhe di ne Ngama gba ni Yesu \*Kilisito na gudhu na Tesalonike-e, ya yi yi mayi. Ma aye balua inde-e ngama Polo, bhu dabili bini ne Silivano di ne Timote. <sup>2</sup> A ayo me badha bhu 'bu ne \*guo 'ngu gba 'Dyi ni Ebhe di ne Ngama gba ni Yesu Kilisito-o du ne yi bhu dabili bini.

Polo agie heni pi Ebhe, ani atsia ato masi bhu omabhuka

<sup>3</sup> A ayo me ya gie heni pi Ebhe ndu 'kpi hana ngabula yi \*ondaise ya. A la bhadi ndjindji me ya mene moko, anga \*nabhuka gba yi-e nganu ne kalanu naali. La di-e, mukanda li ndu yi hana nde ne e sunda yi-e nganu ne kalanu. <sup>4</sup> Kaka-a, ya ngapa 'ngu gba yi-e ne gindaginda bhu oDadjua gba Ebhe kabula kekele di ne nabhuka gba yi, abana u ngato mbolo li yi lie di ne yi ngazu likabhu lie ne ndu kpadji hana-o.

<sup>5</sup> Bbobhomu-o ngasuno me Ebhe ngakodho 'ngu ngbingbili. Padha de, anga ka olikabhu inde yi ngazu e-e, Ebhe au me yi ati ne nali bhu Nau gba ni inde yi ngazu likabhu ngu e ko. <sup>6</sup> Li Ebhe nde lie ne \*ngbili kpala-a, ani agie olikabhu pi okpala inde i ngaha likabhu pi yi ko. <sup>7</sup> La di-e, ani aha guo 'ngu pi yi okpala inde ngadje likabhu, ani tsia ha di guo 'ngu pi ya. Ani amene ongu bhomu-o li 'kpi li Ngama gba ni Yesu ayie lie abhala, ani tsia go bhu dabili bini ne \*oandjelu na angu gba e-o. <sup>8</sup> Ani ago bhu dingidhi dju ngabula na'o 'ngu pi okpala inde i kanda nambila Ebhe de, inde ngayala di naziba \*Badha Ngali gba Ngama gba ni Yesu-o. <sup>9</sup> Makala na siti 'ngu gba u-o, adu likabhu na dudu, li bili inde u adu lie de Ngama Yesu ne Nau na \*sangu di ne angu gba e tsutsu-o. <sup>10</sup> Engu ango-o akodho 'kpi li 'kpi ani ago lie ngabula me ndu okpala gba ni hana inde abhuka ni-e, dhego ni, amba u toko di ni. Ngayi di-e, yi adu bhu ka okpala bhomu. Padha de, anga yi abhuka ngali inde ya akpokpo e pi yi-o.

<sup>11</sup> Kaka-a, ya di ngayo Ebhe ndu 'kpí hana ngubula yi me Ebhe gba ní-e mene me yi dhuku li lele maka aní a'í yi lie-o. Ya ngayo ka aní me bhú angu gba aní-e, aní ha angu pí yi ngú namene obabadha kulu inde yi akúnda namene e akólo li soso, kabula nabhuka gba yi bhú Yesu-o. <sup>12</sup> Ya la di ngayo Ebhe ngubula me, okpála dhөгө 'li Ngámá gba ní Yesu kabula yi, amba u dhөгө di yi kabula aní. Bhobhomu-o améne lie ka bádha bhú 'bu inde li 'Dyi ní Ebhe di ne Ngámá gba ní Yesu Kilisito asuno e pí yi-o.

Bhulu Nayala líli gba Ebhe-e agó ngaiza kalanu


**2** <sup>1</sup> \*Ondaise ya, Ngámá gba ní Yesu \*Kilisito agó mago, ní tsia pékөbhө bhála ní de aní. Li 'ngú angu-o, ya ngayo ka yi me, <sup>2</sup> bua yi angámá má gala de, 'ndji yi angbíngi di-i de. Yi dje ka kpála bini me \*Bu Bhobua apa pí ní me: «Ekpí nago ka Ngámá akolo», ne me ya apa pí ní mo-o, i du di-e me ya aye bhú balua mo-o, yi azíba de. <sup>3</sup> Kpála bini apíte belegu yi de má kpó! Padhá de, anga kala nago ka Ngámá Yesu-o, agó ngaiza ne nedhinga na kpéke 'ndji li 'ngú gba Ebhe. Pípita-a, li Bhulu Nayala líli gba Ebhe-e kóto. Kpála angu-o ngakpata kpadji na djua na duduama. Ebhe andjía engú gba aní-e mandjia. <sup>4</sup> Kpála angu-o ayie bhálá, aní há 'gú ne Ebhe di ne ndu oehе koko hana inde li okpála ngau e maka oebhe, inde u nde la di ngadhөгө o-o. Aní tsia pá me ní ane ndu uo hana. Aní anú nadu belegu bhú \*'ngbé 'tí Ebhe gba omaYuda, aní tsia pá me ní ne Ebhe. <sup>5</sup> 'To yi a'li de me nedhinga ní adu nga bha lie ne yi-e, ma adu apa engú inde-e pí yi uu-o de. <sup>6</sup> Yi mbíla la bhadi hana me ehe inde ngani kpadji pí kpála angu-o me aní akóto mbia inde-e de-e ne ní-ie, amba aní koto bha bini li nedhinga inde li Ebhe a'o e pí aní-o. <sup>7</sup> Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadji pí aní-e adu nga bha o-o akólo li nedhinga u a'é aní lie-o.

<sup>8</sup> Abhomu-o, li Bhulu Nayala líli gba Ebhe-e tsia kóto. Ngámá Yesu bhélo aní bha ne mbulu 'wo e, aní tsia ndjía angu aní ne \*sangu inde aní agó ne e-o. <sup>9</sup> Bhulu Nayala líli angu-o agó bhú angu gba \*Satana, aní tsia méne ndu djua \*ongamba 'ngú, ne ndu \*okiaka 'ngú hana, di ne ongbengbe 'ngú ngú napite okpála. <sup>10</sup> Aní améne ndu djua osisiti 'ngú hana ngubula napite okpála bhende ngakpata kpadji na djua na duduama-o. Ebhe andjía engú gba uo-o mandjia, anga u kúnda kuku lu 'ngú inde i tí da nako \*nakobho uo-o de, u tsia bhuka di kuku lu 'ngú angu-o de. <sup>11</sup> Kaka-a, Ebhe ató siti mabhundja bhú uo, i tsia píte uo ngubula me u bhuka ongú na eu, <sup>12</sup> amba Ebhe 'o 'ngú pí ndu okpála hana inde i bhuka kuku lu 'ngú de-o, inde adu akpi mangbo ndjili li siti 'ngú-o.

Yi lu kpekpeke bhú 'bu nabhuka

<sup>13</sup> Ondaise ya inde li Ngámá akúnda o, pí ya-a, a ayo me ya gie heni pí Ebhe ndu 'kpí hana li 'ngú gba yi-o. Padhá de, anga Ebhe abhu nani yi nayie li lilita ngubula me yi sia mukobho li kpadji gba Bu Bhobua inde ngamene me yi du bubu, di ne li kpadji na \*nabhuka inde yi nde ne e bhú kuku lu 'ngú-o. <sup>14</sup> Ebhe a'í yi me yi sia mukobho bhomu-o li kpadji na \*Bádha Ngali inde ya akpokpo e pí yi-o. Aní a'í yi me yi sia di sangu gba Ngámá gba ní Yesu Kilisito-o. <sup>15</sup> Kaka-a, ondaise ya, yi lu kpekpeke bhú 'bu nabhuka gba yi-o. Yi lila kpekpeke ongú inde ya asuno e pí yi nedhinga ya adu lie agba yi di ne bhe ya aye e pí yi bhú balua-o.

<sup>16-17</sup> A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pí yi ngubula me yi du namene ndu 'kpí hana bádha 'ngú, abana i du bhú nagama 'ngú, abana i du bhú namene kulu. Padhá de, anga Ebhe akúnda ní, aní aha di kpéke bua na duduama pí ní ka bádha bhú 'bu gba e-o. Aní atsia amene di me ní 'o 'to ní na ní na paká paká.



Yi adu ne obhula ipio de (3:8)

Polo apa pi omabhuka me u yo Ebhe ngu ni

**3** <sup>1</sup>Ngú nabu tata-a, \*ondaise ya, yi yo Ebhe ngu ya, amba eli gba Ngámá-a yangba má gala, amba okpála inde ngadjedje-e, mene engú inde li eli ango-o ngapa e maka yi ngamemene lie-o. <sup>2</sup>Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndu okpála hana akunda \*nabhuka \*Bádha Ngali-e de. <sup>3</sup>Engú bini, Ngámá Yesu ne kpála inde amemene engú maka ani apa lie-o. Ani ahá angu pi yi bhú nabhuka, ani tsia líla yi sakpa Siti. <sup>4</sup>Ya abhuka ne 'li Ngámá Yesu me, engú inde ya ngapa e pi yi-e, yi ngamemene moko, yi améne la bhadi mo-o ne kalanu. <sup>5</sup>A ayo me Ngámá leke bua yi ngu nambila lele maka li Ebhe akunda yi lie, di ne lele maka li \*Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngu na ipio

<sup>6</sup>Ondaise ya, ya apa pi yi ne 'li Ngámá gba ní Yesu Kilisito me, yi akpétse liyi bhú dabilí bini ne ondaise ní na ipio, inde i kpata líli inde ya aha e pi yi de-e de. <sup>7</sup>Padhá de, anga ngayi makpe-e, yi mbila maka a ayo lie me yi kpata lele mukobho gba ya-a ndjindji. Nedhinga ya adu lie agba yi-e, ya du ne ipio de. <sup>8</sup>Ya yo ka kpála bini de me ani ha 'zu pi ya padhá-a de. Engú bini, ya aziba ndala ne likabhu, ya atsia amene kulu ngbikpi ne sukpe ngu napa me ya adhá bhú kpála bini bhú ká yi de. <sup>9</sup>A ayo nako me ya sia 'he ka yi padhá, engú bini, ya mene nako mo-o de, anga ya akunda me yi kpata lele mukobho gba ya-o. <sup>10</sup>Nedhinga ya adu lie agba yi-e, ya aha líli inde-e pi yi me: «Li kpála kunda namene kulu de-e, a ayo di de me ani zu 'he-e de.»

<sup>11</sup>Ya ngapa mo-o, anga ya adje me okpála koko bhú ká yi ne ipio. U memene kulu de. U bha bini nga'o 'to o li 'ngu bhe i tsia o de. <sup>12</sup>Pi okpála bhomu-o, ya ngagbele 'dje uo,

ya di ngayo ka uo ne 'li Ngámá Yesu Kilisito me, a ayo me u mene kulu maka ayo lie, amba u sia ezú inde akoto lí 'kpa o makpe.

<sup>13</sup> La pí yi ondaise ya-a, yi andála lí namene bádha 'ngú de. <sup>14</sup> Lí kpála kpata engú inde ya aye e pí yi bhú balú inde-e de-e, yi de bhele djila yi lí aní. Yi améne 'he bhú dabilí bini ne aní de, ngubula me aní dje nómú. <sup>15</sup> Engú bini, yi aú aní maka bhú yala ka yi de. Yi gbele mangbo 'dje aní maka sáka yi.

Polo ayo bisagu pí omabhuka na gúdhú na Tesalonike

<sup>16</sup> A ayo me Ngámá na \*guo 'ngú-o , ha guo 'ngú pí yi ngae makpe ndú 'kpí hana ne bhú ndú 'ngú hana. A ayo me Ngámá dú ne ndú yi hana bhú dabilí bini.

<sup>17</sup> Ngama Polo, ma aye engú na soso inde apa me ma yi yi mayi inde-e ne 'kpa ma makpe. A bhómú-o lele nadele 'kpa ma bhú balú gba ma-o.

<sup>18</sup> A ayo me bádha bhú 'bu gba Ngámá gba ní Yesu Kilisito-o dú bhú dabilí bini ne ndú yi hana.